



Universitätsbibliothek Paderborn

Acta Ecclesiae Mediolanensis

Decreta Provinciae Mediolanensis Svb B. Carolo Borromeo, Cardinale Archiepiscopo, Diuersis temporibus in sex Concilijs, totidemq[ue] voluminibus edita

Speciano, Cesare

Brixiae, 1603

Concessio Indvlgentiæ vniversis Fidelibvs Prouinciæ Mediolanen.
conuenientibus as orationem XL. horarum.

urn:nbn:de:hbz:466:1-10553

51

CONCESSIO INDVLGENTIÆ VNIIVERSIS FIDELIBVS
Prouinciæ Mediolanen. conuenientibus ad orationem
XL. horarum.

Gregorius Papa XIII.

VNiversis, & singulis Christifidelibus Prouinciæ Mediolanen. præsentes literas inspecturis salutem, & Apostolicam benedictionem. Quam vberes ex orationis instituto ad populum Christianum semper prouenerint fructus, animo reuolentes, ea libenter concedimus quibus fideles ad orationem maximè excitentur. Itaque de omnipotenti Dei misericordia, ac beatorum Petri, & Pauli Apostolorum eius auctoritate confisi, omnibus, & singulis utriusque sexus Christifidelibus in dicta Prouincia Mediolanen. constitutis, qui orationi quadraginta horarum ordinariæ, vel extraordinariæ iussu Episcopi expoñet per horæ spatium vacauerint, tres annos, qui verò processioni interfuerint initio, vel in fine orationis celebratae huiusmodi, in Cathedralibus decem, in alijs verò Ecclesijs quinque annos indulgentiæ in forma Ecclesiae consueta concedimus; ac verò semel in anno die ab Episcopo præscribendo si Sacram etiam Eucharistiam verè poenitentes, & confessi sumpserint, plenariam omnium peccatorum suorum indulgentiam, & remissionem, tenore præsentium elargimur. Præsentibus perpetuis futuris temporibus valitrus. Dat. Romæ apud Sanctū Petrum sub annulo Piscatoris die 5. Aprilis. M. D. LXXX. Pontificatus nostri anno octauo.

Cæf. Glorierius.

INDVLGENTIÆ A SANCTISSIMO D. N. D. GREGO. XIII.
Perpetuò concessæ omnibus Ciuitatis, Dicecfs, & Prouinciæ Mediolanensis, Christifidelibus, qui datis campanæ signis

Certo temporis spatio ab Illustrissimo Archiepiscopo Mediolani in Ecclesia sua, & ab unoquoque eiusdem Prouinciæ Episcopo in suis Ecclesijs præscripto, aut præscribendo, orationi vacauerint.

Gregorius Papa XIII. Vniuersis, & singulis Christifidelibus Ciuitatis, & Dicecfs Prouinciæq; Mediolanen. Salutem, & Apostolicam benedictionem.

Celestia arma, quibus inter cætera, dum in hoc seculo nequam peregrinantur Christifideles aduersus suæ salutis hostes in colluctatione assidue vten- dum eis est, preces sunt, & oratio sancta. Cuius quidem orationis studium, cum & perpetuum, & proprium, & necessarium eisdem esse, non solum verbis, sed exé- pli sui contestatione docuerit vnigenitus Dei filius, Christus, virtus, & sapientia Patris: nos, quæ ad sanctam illam precandi, orandique exercitationem piè, ac reli- giosè, inspirante Deo, instituta sunt, in ijs illos sollicitè versari, spiritualique vir- tute longius indies semper progredi, summopere in Domino cupimus. Quare cum inter alia, que ad exercendam populi sui pietatem, solicitudinis studio, dilectus fi- lius noster Carolus Borromæus Tituli Sanctæ Praxedis S. R. E. Presbyter Cardi- nalialis, Ecclesiæ Mediolanensis Archiepiscopus, utiliter instituit, illud ab eodem nu- per introductum esse acceperimus, vt singulis diebus, dato certo campanarum signo, patres familias, tum in vrbe Mediolano, tum in Dicecfi, vna cum reliquis, qui de fa- milia sunt, suæ quisq; domi, ad orandum in locum vnum conueniant: salutare hoc

D d d 2 institu-